

10673

Bosna i Hercegovina
Federacija Bosne i Hercegovine
Kanton Sarajevo – Općina Ilidža
PRAVOBRANILAŠTVO OPĆINE ILIDŽA



Bosnia and Herzegovina
Federation of Bosnia and Herzegovina
Sarajevo Canton – Municipality of Ilidža
MUNICIPALITY JUSTICE

Broj: Op-sl/19
Ilidža, 20.05.2019. god.

01

Kao tačka dnevnog reda
27 redovna sjednica CV

[Handwritten signature]

OPĆINA ILIDŽA
OPĆINSKO VIJEĆE

Predmet: Prijedlog Odluke,
dostavlja se

U prilogu akta dotavljamo vam Prijedlog Odluke o izmjenama Odluke o Pravobranilaštvu Općine Ilidža.

Prilog:
- Prijedlog Odluke

PRAVOBRANILAŠTVO OPĆINE ILIDŽA



Valida Kovačević

Pravobranilaštvo Općine Ilidža
ulica Butmirska cesta broj 12.
telefon: (387 33) 775-738, (387 33) 775-739, fax: 764-840,
E-mail: pravobranilastvoili@gmail.com

PRIJEDLOG

Na osnovu člana 44. Zakona o pravobranilaštvu Kantona Sarajevo („Službene novine Kantona Sarajevo broj: 33/08, 7/12 i 44/16) i člana 28. Statuta Općine Ilidža – prečišćeni tekst („Sl.novine Kantona Sarajevo broj: 33/10,18/16) Općinsko vijeće Ilidža na _____ redovnoj sjednici održanoj dana _____ donosi :

ODLUKU O IZMJENAMA ODLUKE O PRAVOBRANILAŠTVU OPĆINE ILIDŽA

Član 1.

U članu 15. Odluke o pravobranilaštvu Općine Ilidža – prečišćeni tekst („Sl.novine Kantona Sarajevo“ br.18/10-prečišćeni tekst) mijenja se stav 2 , tako da glasi :

„Pravobranilac ima tri (3) zamjenika „ .

Član 2.

Član 17. Odluke mijenja se i glasi :

„ Za općinskog pravobranioca i njegovog zamjenika može biti imenovano lice koje je državljanin Bosne i Hercegovine i Federacije Bosne i Hercegovine , koje je diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja, i ima položen pravosudni ispit i iskustvo u radu na imovinsko-pravnim poslovima u pravobranilaštvu , pravosudnim organima i drugim državnim organima , preduzećima i drugim pravnim licima , u trajanju najmanje tri (3) godine nakon položenog pravosudnog ispita i koje posjeduje najviše moralne osobine za obavljanje službe pravobranilaštva „ .

Član 3.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“ .

PRAVOBRANILAC OPĆINE ILIDŽA

Vahida Kovačević

O b r a z l o ž e n j e

Pravni osnov za donošenje Odluke o izmjenama Odluke o pravobranilaštvu Općine Ilidža utvrđen je članom 57a. Zakona o izmjenama i dopunama zakona o pravobranilaštvu Kantona Sarajevo („Sl.novine KS“ br. 44/16) , te Zaključkom Općinskog vijeća Ilidža broj:01-02-851/19-3a.6 od 26.02.2019.godine .

Naime, u skladu sa Izvještajem o radu Pravobranilaštva Općine Ilidža za 2018.godine , Općinsko vijeće Ilidža donijelo je navedeni Zaključak kojim podržava prijedlog Pravobranilaštva da se izvrši izmjena Odluke o pravobranilaštvu općine Ilidža i dopuni sa povećanjem za još jednog zamjenika , te da se po potrebi popuni to radno mjesto , a sve zbog povećanog obima poslova i činjenice da poslove trenutno obavljaju pravobranilac i jedan zamjenik , dok je drugi zamjenik već duže vrijeme odsutan .

Na osnovu navedenog Zaključka, kao i činjenice da se poslovi Pravobranilaštva svakodnevno povećavaju , kako u pogledu sudskih sporova , tako i u pogledu internih poslova (davanje pravnih mišljenja , zaključivanje sporazuma , pružanje pravne pomoći i drugo) , te da se odsutni zamjenik pravobranioca još uvijek nalazi na bolovanju , to je neophodno dopuniti odluku u smislu broja izvršilaca, odnosno odluku dopuniti sa radnim mjestom za još jednog zamjenika pravobranioca , tako da umjesto dva imaju tri zamjenika .

Članom 8. Odluke o izmjenama i dopunama odluke o Pravobranilaštvu Općine Ilidža („Sl.novine Kantona Sarajevo „ broj 44/17) u članu 17.Odluke o pravobranilaštvu Općine Ilidža („Sl.novine Kantona Sarajevo“ broj 18/10-prečišćeni tekst) , iza riječi „diplomirani pravnik“ dodane su riječi „Bakalaureat/Bachelor prava sa ostvarenih 240 studijskih bodova Bolonjskog sistema studiranja“ a iza riječi „tri godine“ dodane su riječi „nakon položenog pravosudnog ispita“ . Uvidom u Odluku o pravobranilaštvu Općine Ilidža broj 18/10-prečišćeni tekst , konstatovano je da je članom 17. propisano da za općinskog pravobranioca i njegovog zamjenika može biti imenovano lice , koje između ostalog ima iskustvo u radu na određenim poslovima u trajanju od pet godina .

Imajući u vidu da je članom 46. Zakona o pravobranilaštvu Kantona Sarajevo („Sl.novine Kantona Sarajevo,, broj 33/08) propisano trajanje rada na određenim poslovima od tri (3) godine, to je bilo neophodno uskladiti Odluku sa odredbama Zakona kao višeg pravnog akta .

Imajući u vidu naprijed navedene razloge , utvrđen je prijedlog Odluke o izmjenama Odluke o pravobranilaštvu Općine Ilidža , te predlažemo Općinskom vijeću da istu usvoji kao u tekstu .